




XUNTA DE GALICIA
CONSELLERÍA DE ECONOMÍA,
EMPREGO E INDUSTRIA



CONVENIO ENTRE O INSTITUTO GALEGO DE PROMOCIÓN ECONÓMICA E A FEDERACIÓN GALEGA DE XÓVENES EMPRESARIOS PARA REALIZACIÓN DE ACTIVIDADES RELACIONADAS COS SERVIZOS DA UNIDADE GALICIA EMPRENDE


Santiago de Compostela, 29 de outubro de 2019



Xacobeo 2021



XUNTA DE GALICIA
CONSELLERÍA DE ECONOMÍA,
EMPREGO E INDUSTRIA



Xacobeo 2021



CONVENIO ENTRE O INSTITUTO GALEGO DE PROMOCIÓN ECONÓMICA E A FEDERACIÓN GALEGA DE XÓVENES EMPRESARIOS PARA REALIZACIÓN DE ACTIVIDADES RELACIONADAS COS SERVIZOS DA UNIDADE GALICIA EMPRENDE

Santiago de Compostela, 29 de outubro de 2019

REUNIDOS

Dunha parte D. **Juan Manuel Cividanes Roger**, en nome e representación do **Instituto Galego de Promoción Económica**, en diante **IGAPE**, con C.I.F. Q-6550010-J, e con domicilio social en Edificio IGAPE, Complexo Administrativo San Lázaro, s/n. 15703 Santiago de Compostela, na súa calidade de director xeral. Está facultado para este acto en virtude da delegación de facultades do 23 de decembro de 2016 do Presidente do Igape feita pública mediante Resolución do 25 de xaneiro de 2017 (DOG nº 23, do 2 de febreiro de 2017).

Doutra parte, D. **Luciano Covelo Fandiño**, na súa calidade de presidente da **Federación Galega de Xoves Empresarios** (en diante, **FEGAXE**) con domicilio social en Rosalía de Castro 1, 15706 da cidade de Santiago de Compostela e CIF G-27390566, con facultades para o outorgamento do presente documento en virtude dos artigos 18 e 20 dos vixentes Estatutos de FEGAXE.

Recoñécense reciprocamente competencia xurídica suficiente para subscribir o presente convenio e polo tanto,

EXPOÑEN

I. IGAPE, ente de dereito público con personalidade xurídica e patrimonio propios, creado para impulsar o desenvolvemento competitivo do sistema produtivo galego, promovendo actividades que contribúan á creación de emprego en Galicia e a un desenvolvemento económico harmónico, equilibrado e xusto, baseado nun tecido industrial moderno e competitivo.

II. O IGAPE ten establecido entre os seus principais obxectivos fomentar a creación de novas empresas, promover a mellora da produtividade e competitividade daquelas, atraer investimentos foráneos e facilitar a internacionalización do tecido produtivo e, en xeral, apoiar e promover calquera tipo de actividade que contribúa á mellora do sistema produtivo de Galicia.

III. A Lei 9/2013, do 19 de decembro, do emprendemento e da competitividade económica de Galicia, na Disposición Adicional Segunda establece que o IGAPE será o instrumento esencial da Consellería competente en economía para desenvolver e aplicar as medidas especificadas no seu Título II, «Medidas para estimular o emprendemento e a actividade emprendedora», e terá a consideración de entidade instrumental do sector público autonómico con competencias en materia de emprendemento.

IV. No artigo 8.1 da citada Lei 9/2013, establécese a creación da Unidade Galicia Emprende como programa transversal de información, orientación e avaliación das persoas emprendedoras.

V. No punto 8.2 recóllese que regulamentariamente se establecerán as condicións, características e composición da unidade, que poderá estar composta por todas as persoas e entidades con domicilio social e fiscal en Galicia que soliciten a adscrición á unidade como axentes.

VI. A Unidade Galicia Emprende é polo tanto, unha entidade na que terán acceso outras entidades que desexen e poidan aportar os seus recursos e coñecementos á consecución, de xeito coordinado e con requirimentos



comúns, por parte do IGAPE, aos obxectivos que establece a Lei.

VII. Antes da publicación do regulamento da Unidade Galicia Emprende, que estableza o convenio de adscrición á unidade como axentes, é posible que se establezan instrumentos de colaboración específicos e limitados con organizacións que teñan *know-how* e estruturas significativas no eido da actividade emprendedora, que colaboren ao desenvolvemento temperán dos servizos da unidade.

VIII. FEGAXE é unha entidade sen ánimo de lucro e de carácter multisectorial, constituída en data 28 de novembro de 2008 e inscrita ante o Servizo de Relacións Laborais, da Dirección Xeral do mesmo nome dependente da Consellería de Traballo e Benestar da Xunta de Galicia, con número de depósito 72-1051-2009.

IX. FEGAXE ten entre os seus obxectivos, dentro do seu ámbito autonómico de actuación: promover vocacións empresariais entre os mozos galegos, fomentar o autoemprego e a creación de empresas, atender as necesidades de información, formación, asesoramento e perfeccionamento dos seus membros, actuar en apoio da empresa e aumentar a colaboración e desenvolvemento de sinerxías para potenciar ás empresas socias das distintas asociacións membro.

X. FEGAXE integra ó colectivo de empresarios menores de 40 anos da Comunidade Autónoma de Galicia, de todos os sectores de actividade, converténdoa nun interlocutor privilexiado cos xóvenes empresarios e emprendedores. Así mesmo, FEGAXE integra a todas as asociacións provinciais de xóvenes empresarios existentes na Comunidade Autónoma.

XI. FEGAXE ten representatividade relevante no empresariado xoven galego. É a primeira e única entidade galega recoñecida a nivel nacional que agrupa e defende os intereses dos xóvenes empresarios e emprendedores galegos. Ten o respaldo da CEAJE (Confederación Española de Asociaciones de Jóvenes Empresarios) e pola CEOE (Confederación Española de Organizaciones Empresariales). Agrupa a 1.394 empresas en toda Galicia, que xeran cerca de 7.000 empregos directos.

XII. FEGAXE ten ampla implantación xeográfica no territorio galego por ser unha federación de Asociacións de Empresarios (AJE A Coruña, AJE Ferrolterra, AJE Pontevedra, AJE Vigo, AJE Lugo e AJE Ourense) con ámbito de actuación nas catro provincias galegas con medios axeitados.

XIII. FEGAXE ten carácter multisectorial. Todas as iniciativas son susceptibles de ser apoiadas sen ter en conta o sector onde se desenvolve a actividade, que está relacionado con espírito de universalidade de servizo da Unidade Galicia Emprende.

XIV. FEGAXE centra o seu apoio nas novas empresas e novos emprendedores galegos, pero con especial atención ás necesidades específicas das iniciativas novas, pequenas, e innovadoras, que non están suficientemente significadas noutras organizacións, e que son os principais destinatarios dos servizos da Unidade Galicia Emprende.

XV. FEGAXE dispón de equipos directivos e persoal técnico con preparación especializada e experiencia no ámbito da actividade emprendedora.

XVI. FEGAXE é unha entidade que ten amosado a súa solvencia e eficacia na organización e implementación de numerosas e diversas actuacións, que no eido da actividade emprendedora, foron desenvolvidas nos últimos anos.

XVII. Ao amparo do anterior convenio, asinado en data 23 de setembro de 2016, realizáronse accións formativas e divulgativas, correspondentes a 3 programas, os cales se levan a cabo mediante distintas accións dentro de cada un deles, ata un total de 34:

Programa Xoven empresario emprende: accións formativas destinadas a emprendedores e novos empresarios co fin de reforzar a viabilidade dos seus proxectos.



Programa Xoven empresario aprehende: accións de formación , difusión e sensibilización para potenciar actitudes intraempreendedoras

Programa Xoven empresario comparte: encontros empresariais de diferentes sectores co obxectivo do intercambio de experiencias á procura de colaboracións.

O convenio acadou unha execución orzamentaria do 64,5% - 57.193,13 € dos 88.553 previstos- o que permitiu realizar 21 actuacións, case un 62% das previstas inicialmente cun total de 675 participantes.

En virtude das consideracións anteriormente expostas, as partes están interesadas en asinar o presente convenio, que se rexerá polas seguintes

CLÁUSULAS

PRIMEIRA. OBXECTO

Establecer as bases para o desenvolvemento de programas específicos que complementen a actividade que está a desenvolver o IGAPE de apoio ás persoas emprendedoras no que atinxe ás obrigas establecidas no artigo 8 da Lei 9/2013, que se implementen de xeito expreso e conxunto polo IGAPE e a FEGAXE ao longo do ano 2019 e 2020, sen prexuízo doutros que desenvolvan cada unha das entidades de xeito separado ou en colaboración con outras organizacións.

SEGUNDA. IMPOSIBILIDADE DE PROMOVER A CONCORRENCIA

Motívase a utilización da figura do convenio considerado no artigo 6 da Lei 9/2017, do 8 de novembro, de contratos do sector público e as razóns que impiden a concorrência da oferta e exclúen a celebración dun contrato administrativo polo nivel de representatividade que FEGAXE ten no empresariado xoven galego, pola súa implantación xeográfica, polo carácter multisectorial dos seus actuais e futuros asociados, polo perfil das empresas e emprendedores que a compoñen, pola capacitación e experiencia dos seus equipos directivos e persoal técnico, e pola necesaria colaboración que de feito implícito debería realizarse entre as dúas entidades para evitar duplicidades e solapamentos ao dirixirse aos mesmos usuarios e con similares servizos, na procura da eficiencia na aplicacións dos seus recursos escasos, e na procura dun efecto sinerxía, son motivos que imposibilitan promover a concorrência con outro tipo de entidades.

TERCEIRA. ACTUACIÓNS CONXUNTAS DO CONVENIO

As actividades en colaboración son as comprendidas nos seguintes programas:

a) Actividades formativas:

1. Formación específica para fomento do emprendemento e dinamización do rural.
2. Formación específica para autónomos.

b) Networking sectorial galego.

c) Congreso Xoven Empresario: previsto para o 12 de marzo de 2020 na Cidade da Cultura de Galicia e que se organizará en torno a un Foro de Investimento e conferencias relacionadas coa Industria 4.0.

O desenvolvemento polo miúdo das devanditas actuacións descríbense no Anexo I ao presente convenio.

CUARTA. COMPROMISOS DE FEGAXE

a) En termos xerais, de xeito conxunto co IGAPE, organizar, coordinar e desenvolver as actividades necesarias



para a execución dos programas descritos no Anexo I.

FEGAXE desenvolverá esta actividade cos seus propios medios ou contratando os servizos e subministros necesarios para levalas a cabo.

b) FEGAXE, achegará a documentación xustificativa que acredite a realización e pago das actividades, así como os informes de participación e demais documentos relativos ás persoas emprendedoras e/ou empresas participantes que, de ser o caso, sexan requiridos polo IGAPE aos efectos da correcta xustificación do desenvolvemento das actividades desenvolvidas.

c) FEGAXE, difundirá a participación da Unidade Galicia Emprande e o IGAPE, en todo tipo de publicidade, información e material relativo á execución das actividades establecidas, con suxeición ás normas sobre imaxe corporativa indicadas en caso polo IGAPE.

d) FEGAXE subministrará toda a información necesaria para que o Igape poida dar cumprimento ás obrigas previstas no Título I da Lei 1/2016, do 18 de xaneiro, de transparencia e bo goberno. As consecuencias do incumprimento desta obriga serán as establecidas no artigo 4.4 da devandita lei.

e) FEGAXE manterá á disposición do Igape ou de calquera organismo público con capacidade de fiscalización da Comunidade Autónoma de Galicia, tales como Intervención Xeral, o Tribunal de Contas e o Consello de Contas, todos os xustificantes dos gastos e ingresos obtidos a fin dunha verificación in situ, ben por medios propios ou mediante auditor externo. O prazo para a comprobación material de facturas e xustificantes de gasto será de 5 anos desde a finalización do prazo de vixencia do convenio.

f) FEGAXE, someterase á inspección e control do IGAPE co obxecto de supervisar o cumprimento das actividades previstas nos diferentes programas e que permitan a xustificación administrativa e financeira das mesmas.

g) FEGAXE e o IGAPE, comprométense de forma expresa a non revelar os datos que ambas partes puidesen obter en virtude da execución do presente convenio, en concreto, os datos previstos na Lei orgánica 3/2018, do 5 de decembro, de protección de datos persoais e garantía dos dereitos dixitais.

h) FEGAXE, para o desenvolvemento dos diferentes programas terá que realizar a contratación da actividade formativa, proporcionar instalacións, achegar o material e equipamento necesario, así como a difusión e organización.

i) FEGAXE, no caso de que subcontrate en máis do 50% a prestación dalgún dos servizos financiados con cargo ao orzamento desde convenio, será necesario que veña autorizado de forma expresa polo IGAPE, e que se propoña na Comisión de Seguimento.

QUINTA. TIPOS DE RECURSOS QUE SE ACHEGARÁN

Os recursos que serán achegados para cada un dos programas constan no Anexo I a este convenio.

A natureza destes recursos poderá ser: material, inmaterial, humana, técnica, etc. e poderán ter a súa orixe:

1. Nos que xa dispoñan tanto o IGAPE como FEGAXE nas súas estruturas ou orzamentos e poñan a disposición, de balde, para o cumprimento dos fins de cada programa.

2. Nos que financie e pague directamente FEGAXE para o desenvolvemento de actividades dalgún programa, e IGAPE colabore na súa implementación.

Nos que o IGAPE achegue a FEGAXE como contrapartida do custo na execución de actividades dalgún programa, no que o IGAPE colabore na súa implementación.



SEXTA. ORZAMENTO DAS ACTIVIDADES DESENVOLVIDAS POR FEGAXE E QUE O IGAPE FINANCIE

O orzamento total das actividades que FEGAXE desenvolva, e que o IGAPE achegue como contrapartida terá un importe máximo, para todos os programas que se recollen no Anexo I deste convenio de 81.024,00 €.

Esta cantidade será abonada con cargo aos orzamentos do IGAPE para o ano 2019 e 2020, e nos que existe crédito adecuado e suficiente para financiar ata a o 100% do orzamento, conforme á partida orzamentaria 09.A1.741A.6402, 12.704,00€ no exercicio 2019 e 68.320,00€ no exercicio 2020, sendo a fonte de financiamento a de fondos propios libres.

FEGAXE non poderá obter ningunha contraprestación e/ou lucro, das persoas ou entidades que participan naquelas actividades dos programas que financie directamente o IGAPE, ou nas que o IGAPE achegue a FEGAXE algunha cantidade como contrapartida do custo na súa execución.

FEGAXE cofinanciará as actividades contempladas no presente convenio coa asignación de custos de estrutura (persoal, materiais, instalacións, equipamento). O importe desta asignación estímase no 20% do orzamento global do convenio (20.256 €).

SÉTIMA. GASTOS ATENDIBLES

Para os programas que FEGAXE desenvolva, e que o IGAPE achegue como contrapartida o custo da súa execución, recollidos no Anexo I:

- a) Só serán atendibles exclusivamente os gastos recollidos no Anexo I.
- b) Os gastos deberán ser realizados e efectivamente pagados dentro do ámbito temporal do propio convenio e, polo tanto, no que atinxe unicamente a actuacións realizadas a partir da data da sinatura do convenio e ata o 31 de decembro de 2020.
- c) Será obrigatorio presentar 3 orzamentos para todos aqueles gastos superiores a 15.000 € + IVE e xustificar a selección do provedor en caso de non ser o máis económico.
Esta presentación de ofertas debe de realizarse atendendo ao artigo 23.2 da Lei 14/2013, do 26 de decembro, de racionalización do sector público autonómico respecto á prohibición de presentar ofertas de empresas vinculadas.
- d) Os gastos obxecto deste convenio son incompatibles con calquera outra liña de axudas ou subvencións para o mesmo obxecto.
- e) O importe do IVE (imposto do valor engadido) non se considerará gasto xustificable cando sexa susceptible de recuperación ou compensación, salvo que acredite a exención do mesmo e consecuentemente non resulte recuperable para a FEGAXE.

OITAVA. XUSTIFICACIÓN E PAGAMENTO

As achegas do IGAPE realizaranse a medida que vaian xustificando os gastos realizados pola FEGAXE sobre os custos apoiados, mediante certificacións trimestrais. Ditas certificacións presentaranse durante os 10 días seguintes á finalización do trimestre natural, agás ás do cuarto trimestre que deberán presentarse antes do día 6 de decembro do exercicio correspondente.

Para o pagamento das actuacións desenvolvidas por FEGAXE co apoio do IGAPE, será necesario achegar:

1. Memoria xustificativa do cumprimento das condicións impostas neste convenio, con indicación das actividades realizadas, resultados obtidos e as incidencias máis significativas.



2. Memoria económica xustificativa do custo das actividades realizadas que conterá:

- a) Relación clasificada dos gastos atendibles para cada actuación, con identificación do acredor e do documento, concepto, importe, data de emisión e data de pago.
- b) Xustificación dos gastos atendibles: orixinais ou copias compulsadas das facturas ou dos documentos de valor probatorio equivalente no tráfico xurídico mercantil, ou con eficacia administrativa, incorporados na relación clasificada dos gastos.
- c) Xustificación dos pagamentos: transferencia bancaria, certificación bancaria orixinal ou extracto de pagamento. Non se admitirán os pagamentos en efectivo.
- d) Xustificación, no seu caso doutros ingresos obtidos para financiar a actividade.
- e) Cando o importe do gasto atendible supere a contía de 15.000 € + IVE, as tres ofertas de diferentes provedores, con carácter previo á contratación do compromiso para a prestación do servizo, e xustificar a selección do provedor en caso de non ser o máis económico.
- f) Certificacións expedidas polas respectivas Administracións Públicas, que acrediten que se está ao corrente das obrigas tributarias e da Seguridade Social, así como a acreditación de non ter pendente de pagamento ningunha outra débeda, por ningún concepto, coa Administración Pública da Comunidade Autónoma ou autorización para que a Secretaría Xeral do Igape realice estas consultas polos seus propios medios.
- g) Declaración expresa do beneficiario de que as persoas ou entidades subcontratadas para as actividades subvencionadas non están vinculadas con el.
- h) No caso de estar exento do imposto sobre o valor engadido (IVE), documentación acreditativa da mencionada exención.
- i) Declaración da titularidade da conta bancaria onde se debe realizar o pagamento, segundo o modelo do anexo II.
- j) Cadro de indicadores segundo modelo que se inclúe como anexo III.
- k) Calquera outra documentación ou material que considere necesario presentar para unha mellor xustificación das actuacións obxecto do presente convenio.

En todo caso, o IGAPE, resérvase o dereito de solicitar toda a documentación que se considere precisa en relación coa realización das actuacións obxecto do presente convenio, e calquera outra que estime oportuna para a correcta xustificación do gasto e o seu pagamento.

Procederá a minoración da achega concedida cando as actuacións desenvolvidas e xustificadas ao abeiro do presente convenio non acaden os importes dos gastos establecidos, ou ben o financiamento adicional obtido sumado á axuda do IGAPE exceda os custos xustificadas, e sempre que esta minoración non supoña unha realización deficiente do proxecto.

FEGAXE manterá a disposición do IGAPE ou de calquera organismo público con capacidade de fiscalización da Comunidade Autónoma de Galicia, tales como Intervención Xeral, o Tribunal de Contas e o Consello de Contas e dos órganos de control da Comisión Europea, todos os xustificantes dos gastos e ingresos obtidos a fin dunha verificación in situ, ben por medios propios ou mediante auditor externo.

NOVENA. APROVEITAMENTO DE RESULTADOS

As partes asinantes conveñen en permitir a explotación conxunta polas outras partes, directa ou indirectamente,



dos resultados das actividades do Convenio, isto é, informes, traballos, aplicacións informáticas, webs, logos e en xeral calquera instrumento obxecto de propiedade intelectual que sexa desenvolvemento directo das tarefas e actividades obxecto do presente convenio.

DÉCIMA. COMISIÓN DE SEGUIMIENTO

Establécese una Comisión de Seguimento composta polo director xeral do IGAPE, que exercerá de Presidente e o presidente da FEGAXE e, como mínimo, por dous vogais adicionais, un por cada unha das dúas institucións.

Estes vogais poderán ir variando, en persoa e número, en función da temática para tratar en cada unha das reunións da Comisión.

Pola súa banda, tanto o Director do IGAPE como o Presidente da FEGAXE, poderán delegar a súa asistencia e voto na persoa que cada un deles designe.

Esta Comisión actuará como órgano de vixilancia, seguimento e control do establecido neste convenio.

A Comisión de Seguimento deberá reunirse de xeito ordinario unha vez cada dous meses e, de xeito extraordinario, sempre que sexa requirido a instancia de calquera das partes asinantes.

O funcionamento da Comisión de Seguimento farase ao abeiro do réxime xurídico dos órganos colexiados contido na sección III, do capítulo I do título I (artigos 15 e seguintes) da Lei 16/2010, do 17 de decembro, de organización e funcionamento da Administración Xeral e do sector público autonómico de Galicia.

DÉCIMO PRIMEIRA. PUBLICIDADE

De conformidade co artigo 15 da Lei 1/2016, do 18 de xaneiro, de transparencia e bo goberno e o Decreto 126/2006, do 20 de xullo, polo que se regula o Rexistro de Convenios da Xunta de Galicia, o IGAPE e a Consellería de Economía, Emprego e Industria publicarán no Diario Oficial de Galicia, no Portal de transparencia e Goberno aberto e na súa páxina web oficial o importe da prestación económica concedida ao abeiro deste convenio e a entidade destinataria desta, polo que a sinatura do convenio leva implícita a autorización para o tratamento necesario dos datos da entidade e a referida publicidade, así como a súa cesión por parte do IGAPE aos órganos competentes da Consellería de Economía, Emprego e Industria.

DÉCIMO SEGUNDA. MODIFICACIÓNS

Calquera modificación nas actuacións recollidas neste convenio deberá ser proposta por unha das partes, directamente ou a través da comisión de seguimento, e formalizarase a través da subscrición da correspondente addenda. En ningún caso poderá supoñer un incremento do orzamento.

O presente convenio poderá ser obxecto de modificación cando teña como finalidade o logro dos obxectivos de estabilidade orzamentaria e sustentabilidade financeira. A devandita modificación terá por obxecto a redución do volume das obrigas ou a ampliación do seu prazo de execución.

DÉCIMO TERCEIRA. RESPONSABILIDADE

A subscrición do presente convenio non implicará relación laboral contractual ou de calquera outro tipo entre os profesionais ou entidades que vaian desenvolver as actuacións obxecto deste convenio e o IGAPE, de tal xeito que non se poderá esixir a este Instituto responsabilidade ningunha, nin directa nin subsidiariamente, polos actos ou feitos acaecidos no desenvolvemento do devandito convenio.

DÉCIMO CUARTA. AUTORIZACIÓNS

FEGAXE consente expresamente a inclusión dos datos relevantes e persoais deste convenio nos rexistros



públicos que proceda, de acordo co Decreto 126/2006, do 20 de xullo, polo que se regula o Rexistro de Convenios da Xunta de Galicia, así como poderá exercer os seus dereitos de acceso, rectificación cancelación e oposición respecto do contido dos rexistros antes citados, ante a Dirección Xeral do Instituto Galego de Promoción Económica, sito no complexo administrativo de San Lázaro s/n, 15703 Santiago de Compostela, en aplicación do disposto no Decreto 126/2006.

Este consentimento esténdese a autorización para a cesión dos seus datos á entidade financeira na que se aboe o pagamento, ao Diario Oficial de Galicia e ás demais cesións previstas na lei.

Tamén comporta a autorización ao IGAPE para solicitar as certificacións que deban emitir a Axencia Estatal da Administración Tributaria, a Tesourería da Seguridade Social e a Consellería de Facenda da Xunta de Galicia, no caso de que se deban presentar estes certificados en fase de emenda, logo de que a consulta polo IGAPE e non obtivese resultado favorable, a data de expedición dos certificados pola Administración correspondente deberá ser posterior á data de consulta polo IGAPE, o que se comunicará no requirimento de emenda da documentación.

DÉCIMO QUINTA. VIXENCIA

O presente convenio entrará en vigor na data da súa sinatura e a súa vixencia estenderase ata o efectivo cumprimento das obrigas que asumen as partes no mesmo e, en todo caso, ata o 31 de decembro de 2020.

O convenio extinguirase polo cumprimento das actuacións que constitúen o seu obxecto ou por incorrer en causa de resolución.

Son causas de resolución:

- a) O transcurso prazo de vixencia do convenio sen terse acordado a súa prórroga.
- b) O acordo unánime de todos os asinantes.
- c) O incumprimento das obrigas e compromisos asumidos por parte dalgún dos asinantes. Neste caso, calquera das partes poderá notificar á parte incumplidora un requirimento para que cumpra nun prazo de 10 días hábiles coas obrigas ou compromisos que se consideran incumplidos. Este requirimento será comunicado á Comisión de Seguimento do convenio e ás demais partes asinantes. Se transcorrido o prazo indicado no requirimento persistira o incumprimento, a parte que o dirixiu notificará ás partes asinantes a concorrencia da causa de resolución e entenderase resolto o convenio.
- d) Por decisión xudicial declaratoria da nulidade do convenio.
- e) Por calquera outra causa distinta das anteriores prevista no convenio ou noutras leis.

Se cando concorra calquera das causas de resolución do convenio existen actuacións en curso de execución, as partes, a proposta da Comisión de Seguimento do convenio, poderán acordar a continuación e finalización das actuacións en curso que consideren oportunas, establecendo un prazo improrrogable para a súa finalización, transcorrido o cal deberá realizarse a súa liquidación.

DÉCIMO SEXTA. NATUREZA E XURISDICIÓN

Este convenio ten natureza administrativa e regularase polo establecido nas presentes cláusulas e na lexislación que resulte aplicable, quedando sometido ao réxime xurídico de convenios previsto na Lei 40/2015, do 1 de outubro, de réxime xurídico do sector público. O presente convenio queda excluído do ámbito de aplicación da Lei 9/2017, do 8 de novembro, de contratos do sector público, de conformidade co seu artigo 6, e para calquera cuestión litixiosa que se derive do mesmo, será de aplicación a Lei 29/1998, do 13 de xullo, reguladora da xurisdición contencioso-administrativa.

O convenio rexerese polas súas propias cláusulas e a interpretación que das mesmas realice a Comisión de Seguimento, así como pola normativa xeral que resulte aplicable.



As partes comprométense a resolver de común acordo calquera controversia que puidera suscitarse sobre a interpretación ou execución deste Convenio.

En caso de conflito ambas as dúas partes acordan o sometemento á Xurisdición Contencioso-Administrativa.

DÉCIMO SÉTIMA. NORMATIVA APLICABLE

Para todo o non previsto neste convenio aplicarase o previsto na Lei 40/2015, do 1 de outubro, de réxime xurídico do sector público, así como na Resolución do 8 de abril de 1991 (DOG nº 82, do 30 de abril) pola que se fai público o acordo do Consello da Xunta de Galicia, do 27 de marzo de 1991, sobre convenios de cooperación con outros entes públicos e de colaboración con particulares, na Lei 1/2016, do 18 de xaneiro, de transparencia e bo goberno e no Decreto 126/2006, do 20 de xullo, polo que se regula o Rexistro de Convenios da Xunta de Galicia, en todo o que non contradiga a primeira.

En proba de conformidade con canto antecede, ambas as dúas partes, asinan o presente convenio, en exemplar duplicado, no mesmo lugar e data que se indica ao comezo.

O director xeral do IGAPE

O presidente de FEGAXE

Juan Manuel Cividanes Roger

Luciano Covelo Fandiño



ANEXO I ACTIVIDADES QUE SE VAN DESENVOLVER

ACTIVIDADES FORMATIVAS

A experiencia dinos que moitas veces unha boa idea ou proxecto non chega a bo termo porque o emprendedor ou empresario carece de certas habilidades ou coñecementos que realmente resultan críticas para o seu sector ou proxecto.

Desde AJE sabemos que a formación tanto en etapas temperás como posteriores do proxecto adoita resultar clave para a súa boa marcha. Por iso propoñemos distintos programas formativos e en distintos formatos ao longo do ano co obxectivo de fortalecer as habilidades de xestión en facetas que, sabemos, resultan fundamentais.

1.- Formación específica para fomento do emprendemento e dinamización do rural

Está previsto o desenvolvemento de dúas accións formativas e de consultaría destinados á dinamización do rural, na zona norte e na zona sur de Galicia como proxecto piloto durante o ano 2020, unha en cada semestre, con elas preténdese potenciar as actitudes intraemprendedoras que permitan construír itinerarios profesionais de éxito.

Prevese un total de 30 participantes (15 en cada acción formativa). Cada acción estará dividida en 5 módulos de 4 horas cada un de formación e 2 módulos de 5 horas para consultaría. Finalizará cun relatorio de casos de éxito e un networking entre os participantes.

O perfil das persoas participantes é o de profesionais, directivos e xerentes de empresas nas primeiras etapas de construción de proxectos empresariais no rural e profesionais, directivos e xerentes de empresas en fase de consolidación e crecemento.

O **programa** desenvolverase cos seguintes módulos:

- Módulo 1: A persoa emprendedora no rural. Estratexias para crear sinerxías con outros promotores.
- Módulo 2: Deseño e creación de márketing dixital.
- Módulo 3: Posicionamento en buscadores e creación de campañas dixitais.
- Módulo 4: Ecommerce
- Módulo 5: Emprender no rural. Casos de éxito.
- Módulo 5: consultaría.
- Módulo 6: consultaría

Orzamento:

Ponencias dos formadores e sesión consultaría: 65 euros a hora. Total 1.950 euros por edición.

Instalacións: 500 euros

Deseño e impresión: 500 euros por edición.

Difusión e comunicación: 1500 euros por edición

Café- networking final: 500 euros por edición

Total custo unitario: 4.950 euros

Custo total actividade : 9.900 euros

2.- Formación específica para autónomos

Está prevista a realización de 7 accións formativas desde outubro do 2019 ata decembro de 2020 nas



localidades sede de cada unha das AJES galegas (A Coruña, Ferrol, Lugo, Ourense, Pontevedra, Vigo e Santiago de Compostela).

Prevese un total de 105 participantes (15 en cada acción formativa).

Os perfís serán profesionais, directivos e xerentes de empresas tanto nas primeiras etapas de construción de proxectos empresariais como nas fases de consolidación e crecemento.

Poderán participar tanto persoas emprendedoras como empresarios/as.

Cada acción estará dividida en 3 módulos de 4 horas cada un de formación e finalizará con outra sesión de 4 horas na que haberá un relatorio de casos de éxito e un networking entre os participantes.

Orzamento:

Formadores: 65 euros a hora. Total 1.040 euros por edición.

Deseño e impresión: 500 euros por edición.

Difusión e comunicación: 1500 euros por edición

Café- networking final: 500 euros por edición

Total custo unitario: 3.540 euros

Custo total actividade : 24.780 euros

ACTIVIDADES DE NETWORKING

Un dos principais obxectivos de AJE é crear novas sinerxías e oportunidades de negocio entre os nosos asociados. Para iso organizamos encontros e reunións nos que empresarios e emprendedores teñen a posibilidade de levar a cabo novos acordos comerciais, na súa procura do éxito empresarial.

Networking sectorial galego

Promovemos a celebración de seis xornadas de fomento do emprendemento e apoio ao desenvolvemento económico. Faremos dous semestralmente, un no norte (provincias da Coruña e Lugo) e outro no sur da Comunidade (provincias de Ourense e Pontevedra).

Periodicidade: 2 ao semestre.

Participarán 30 emprendedores en cada unha das convocatorias polo que en total serán 180 os beneficiarios.

Orzamento:

Aluguer de espazos: 500 euros

Deseño e impresión: 1.000 euros por edición.

Difusión e comunicación: 1.500 euros por edición

Cátering: 600 euros por edición.

Prensa: 800 euros

Custo Unitario: 4.400 euros

Custo total: 26.400 euros

CONGRESO XOVEN EMPRESARIO

Evento único a nivel galego que centra os seus esforzos en inspirar novas ideas e fomentar o emprendemento.

Durante o Congreso reuniranse entre 150-200 empresarios e institucións de toda España e tamén de Portugal, de todos os sectores, xerándose a oportunidade de establecer relacións comerciais e intercambio de talento entre as persoas participantes.



O Congreso é un foro onde os empresarios poden así compartir experiencias e sentir que non están sos ante a adversidade; que hai xente nova con novas ideas poxando por un futuro mellor, todos temos as mesmas inquietudes e o compartilas axúdanos a mellorar.

Esta edición ten prefixada a súa celebración o 12 de marzo de 2020 na Cidade da Cultura de Galicia e organizarase ao redor de Foros de Investimento e a Industria 4.0. Programa preliminar, suxeito a cambios:

9:30	Acreditacións
10:00	Presentación. Apertura.
10:15	Acto inaugural
10:45	Ponencia: José M ^a Gay de Liébana
11:45	Pausa café
12:15	Mesa Foros de Inversión Modera: José M ^a Gay de Liébana Participantes: Deloitte Sabadell Más móvil
14:00	Fin xornada mañá
14:15-16:00	Xantar
16:00	Ponencia : Yaiza Canosa
17:00	Pausa café
17:30	Mesa Industria 4.0 Modera: Yaiza Canosa Participan: IP Global Tecalia Livetopic Uber
19.00	Clausura

Orzamento:

Espazo cedido pola Xunta de Galicia- Cidade da Cultura

Ponentes, presentador e traslados: 16.000 euros

Imaxe, deseño e impresión: 9.000 euros.

Difusión e comunicación: 4.000 euros.

Cátering: 6.000 euros.

Gabinete de Prensa : 2.000 euros

Azafatas: 1000 euros

Medios audiovisuais: 1.600 euros

Decoración: 600 euros

Total: 40.200 euros



Resumo de actividades e custo

Concepto	Encontros	Custo unitario	Custo total	Beneficiarios
Formación específica para fomento do emprendemento e dinamización do rural.	2	4.950 €	9.900 €	30
Formación específica para autónomos	7	3.540 €	24.780 €	105
Networking sectorial galego	6	4.400 €	26.400 €	180
Congreso xoven empresario	1	40.200 €	40.200 €	150-200
TOTAL	16		101.280 €	515

ORZAMENTO E ACTIVIDADES POR ANOS

2019

- 2 formacións para autónomos 3.540 € cada unha . total 7.080 €
- 2 networking zonas 4.400 € cada un . Total 8.800 €

Total 2019: 15.880 €

2020

- 2 formacións dinamización rural 4.950 € cada unha . Total 9.900 €
- 5 formacións para autónomos 3.450 € cada unha. Total 17.700 €
- 4 networking zonas 4.400 € cada un. Total 17.600 €
- 1 Congreso Total 40.200 €

Total ano 2020: 85.400 €



ANEXO II
DECLARACIÓN RESPONSABLE TITULARIDADE CONTA BANCARIA

D/D^a _____ con DNI n° _____,
actuando en nome e representación de FEGAXE,

DECLARA:

que a seguinte conta bancaria, da que é titular FEGAXE, é a especificamente designada aos efectos de cobramento da contribución do Igape ao obxecto do "Convenio de colaboración entre o Instituto Galego de Promoción Económica e a Federación Galega de Xóvenes Empresarios para a realización de actividades relacionadas cos servizos da Unidade Galicia Emprende".

Entidade	Sucursal	D.C.	IBAN

_____, ____ de _____ de 20__
(Sinatura da persoa representante)



ANEXO III INDICADORES

Nivel 1	Nivel 2	Nivel 3	Nivel 4	Total Realizado	Homes	Mulleres
1.- Nº de persoas participantes (Desagregado por sexo) (ud.)						
	Situación laboral					
		Persoas empregadas (Total)*				
			Persoas empregadas por conta propia*			
			Persoas empregadas (por conta allea) con contrato fixo			
			Persoas empregadas (por conta allea) con contrato temporal			
			Funcionarios (persoas empregadas por conta allea con réxime de funcionariado)			
		Persoas desempregadas (Total)*				
			Persoas desempregadas de longa duración (12 meses)*			
		Persoas inactivas (Total)*				
			Persoas inactivas recibindo educación ou formación*			
			Persoas inactivas en situación de xubilación			
			Persoas inactivas retirada dos negocios			
			Persoas inactivas con incapacidade permanente			
			Persoas inactivas dedicadas á vida familiar			
			Persoas inactivas dedicadas a outros asuntos			
	Idade					
			Persoas menores de 25 anos*			
			Persoas entre 25 e 54 anos*			
			Persoas maiores de 54 anos*			
	Grupos vulnerables					
			Inmigrantes*			
			Minorías*			
			Persoas con discapacidade*			
			Con persoas en situación de dependencia ao seu cargo*			
			Outras persoas desfavorecidas*			
	Nivel educativo					
			Educación primaria ou secundaria inferior (ISCED 1 e 2)*			
			Educación secundaria superior (ISCED 3)*			
			Educación postsecundaria non superior (ISCED 4)*			
			Educación superior (ISCED 5 e 6)*			
2.- Nº de persoas que seguen un módulo de sensibilización ambiental (ud.)						
3.- Nº de persoas que participan en cursos de formación específicos no medio ambiente (ud.)						
4.- Nº de empresas beneficiadas (ud.)						
	Tipo de empresa					
			PEME (Pequenas e medianas empresas)*			
			Microempresas*			
9.- Campañas de comunicación, difusión e sensibilización (ud.)						